

ÁKVÖRÐUN FRAMKVÆMDASTJÓRNARINNAR

frá 10. janúar 1996

um sameiginlega tæknilega reglugerð um aðgang að pakkaskiptum almennum gagnanetum (PSPDN) með X.25-skilflötum samkvæmt CCITT-tilmælum(*)

(Texti sem varðar EES)

(96/71/EB)

FRAMKVÆMDASTJÓRN EVRÓPUBANDALAGANNA HEFUR

með hliðsjón af stofnsáttmála Evrópubandalagsins,

með hliðsjón af tilskipun ráðsins 91/263/EBE frá 29. apríl 1991 um samhæfingu laga aðildarríkjanna um notendabúnað til fjarskipta ásamt gagnkvæmri viðurkenningu á samræmi⁽¹⁾, eins og henni var síðast breytt með tilskipun 93/68/EBE⁽²⁾ og hún rýmkuð með tilskipun 93/97/EBE⁽³⁾, einkum 2. mgr. 6. gr.,

og að teknu tilliti til eftirfarandi:

Framkvæmdastjórnin hefur, samkvæmt málsmeðferðinni sem mælt er fyrir um í 14. gr. tilskipunar 91/263/EBE, og ekki síst í samræmi við álit sem samþykkisnefnd endabúnaðar (ACTE) lagði fram hinn 4. desember 1991, gert ráðstafanir til að ákveða hvaða gerð af endabúnaði skuli falla undir þessa sameiginlegu tækniforskrift og tilheyrandi yfirlýsingu um gildissvið.

Viðkomandi staðlastofnun hefur samið samhæfðu staðlana til framkvæmdar viðeigandi grunnkröfum.

Leggja skal ráðstafanirnar fyrir nefndina samkvæmt málsmeðferðinni í 14. gr. tilskipunar 91/263/EBE.

Framkvæmdastjórnin hefur lagt fram drög að ráðstöfunum til umsagnar hjá samþykkisnefndinni í samræmi við 2. mgr. 6. gr. tilskipunar 91/263/EBE.

Samkvæmt ákvæðum annars undirliðar 2. mgr. 16. gr. tilskipunar 91/263/EBE ber framkvæmdastjórnin ábyrgð á því að settir verði samsvarandi samhæfðir staðlar til framkvæmdar grunnkröfum sem síðan verða að sameiginlegum tækniforskriftum.

Sameiginlega tækniforskriftin, sem kveðið er á um í þessari ákvörðun, er í samræmi við álit samþykkisnefndar endabúnaðar (ACTE) sem var lagt fram 16. febrúar 1995.

Endurskoða skal þessa ákvörðun eigi síðar en tveimur árum eftir samþykkt hennar og taka við það tilhlýðilegt tillit til þess hvernig verki miðar hjá þeirri staðlastofnun sem annast undirbúning nýs samhæfðs staðals til framkvæmdar viðeigandi grunnkröfum.

Í sumum aðildarríkjum eru ólík pakkaskipt gagnanet, sem getur réttlætt einstök frávik innanlands.

Til að tryggja órofinn aðgang að mörkuðum fyrir framleiðendur, sem nú þjóna einum eða fleiri innlendum mörkuðum, er nauðsynlegt að heimila bráðabirgðafyrirkomulag svo að unnt sé að beita innlendum kröfum í tiltekinn hámarkstíma.

Þetta tímabil skal miðast við að viðkomandi staðlastofnun hafi lokið við að semja tilskilda samhæfða staðla til framkvæmdar viðeigandi grunnkröfum.

SAMÞYKKT ÁKVÖRÐUN ÞESSA:

1. gr.

1. Þessi ákvörðun gildir um endabúnað sem á að tengja við almennt fjarskiptanet og fellur undir gildissvið samhæfða staðalsins sem vísað er til í 1. mgr. 2. gr. þessarar ákvörðunar.

2. Í þessari ákvörðun er mælt fyrir um sameiginlega tækniforskrift að því hvaða tæknilegir eiginleikar, kröfur varðandi rafræna og vélræna skilfleti og samskiptareglur um aðgang eiga að gilda fyrir endabúnað sem hægt er að tengja og samkvæmt upplýsingum framleiðanda eða fulltrúa hans er gert ráð fyrir að tengist pakkaskiptu almennu gagnaneti með sérhæfðum X.25-skilfleti samkvæmt tilmælum CCITT, þar sem jafnaðri raðtengingaraðferð (LAPB) er beitt.

(*) Þessi EB-gerð, sem birtist í Stjtið. EB nr. L 13, 18. 1. 1996, bls. 23, var nefnd í ákvörðun sameiginlegu EES-nefndarinnar nr. 80/97 frá 12. nóvember 1997 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

(1) Stjtið. EB nr. L 128, 23. 5. 1991, bls. 1.

(2) Stjtið. EB nr. L 220, 31. 8. 1993, bls. 1.

(3) Stjtið. EB nr. L 290, 24. 11. 1993, bls. 1.

2. gr.

1. Sameiginlega tækniforskriftin tekur til samhæfða staðalsins sem er saminn af viðkomandi staðlastofnun til framkvæmdar grunnkröfunum sem um getur í c-, d- og f-lið 4. gr. tilskipunar 91/263/EBE. Tilvísun í þennan staðal er tilgreind í I. viðauka og viðeigandi hlutar staðalsins eru taldir upp í II. viðauka.

2. Endabúnaður sem fellur undir þessa ákvörðun skal vera í samræmi við sameiginlegu tækniforskriftina sem um getur í 1. mgr. og uppfylla grunnkröfurnar, sem um getur í a- og b-lið 4. gr. tilskipunar 91/263/EBE, auk þess að uppfylla kröfur annarra tilskipana sem gilda um búnaðinn, einkum tilskipana ráðsins 73/23/EBE ⁽¹⁾ og 89/336/EBE ⁽²⁾.

3. gr.

Tilkynntir aðilar, sem eru útnefndir til að sjá um framkvæmd þeirrar málsmeðferðar sem um getur í 9. gr. tilskipunar 91/263/EBE, skulu sjá til þess að samhæfði staðallinn, sem er

tilgreindur í I. viðauka, sé notaður fyrir endabúnaðinn, sem fjallað er um í 1. mgr. 1. gr. þessarar ákvörðunar, nema í þeim tilvikum þar sem réttlætandi er að víkja frá honum á innanlandsvettvangi í þann tíma sem um getur í 4. gr.

4. gr.

Framkvæmdastjórnin skal fylgjast með því hvernig til tekst með beitingu þessarar ákvörðunar og hvernig viðkomandi viðurkenndri staðlastofnun gengur að tryggja að umræddur samhæfður staðall liggi fyrir sem fyrst. Framkvæmdastjórnin skal í þessu skyni samþykka nauðsynlegar breytingar á þessari ákvörðun í samræmi við málsmeðferðina sem mælt er fyrir um í tilskipun 91/263/EBE og hún skal samþykka endanlega ráðstöfun innan tveggja ára hið mesta eftir að þessi ákvörðun hefur verið samþykkt.

5. gr.

Ákvörðun þessari er beint til aðildarríkjanna.

Gjört í Brussel 10. janúar 1996.

Fyrir hönd framkvæmdastjórnarinnar,

Martin BANGEMANN

framkvæmdastjóri.

⁽¹⁾ Stjtið. EB nr. L 77, 26. 3. 1973, bls. 29.

⁽²⁾ Stjtið. EB nr. L 139, 23. 5. 1989, bls. 19.

I. VIÐAUKI

TILVÍSUN Í SAMHÆFÐA STAÐALINN SEM GILDIR AÐ HLUTA

Samhæfði staðallinn sem um getur í 2. gr. ákvörðunarinnar er:

NET 2

Viðurkenningarkröfur fyrir notendabúnað til gagnaflutnings sem tengja má pakkaskiptum almennum gagnanetum með X.25-skilfleti samkvæmt tilmælum CCITT

Önnur útgáfa 1994

9. og 10. þáttur frátaldir.

VIÐBÓTARUPPLÝSINGAR

Unnt er að fá texta NET 2 í heild sinni með því að snúa sér til:

Fjarskiptastaðlastofnunar Evrópu
(European Telecommunications Standards Institute),
F-06921 Sophia Antipolis Cedex.

II. VIÐAUKI

SKRÁ YFIR VIÐEIGANDI HLUTA SAMHÆFÐA STAÐALSINS

NET 2 (Önnur útgáfa 1994)	Gildir
1. þáttur	já
2. þáttur	já
3. þáttur	já
4. þáttur	já
5. þáttur	já
6. þáttur	já
7. þáttur	já
8. þáttur	já
9. þáttur	já
10. þáttur	já
Viðauki A	já
Viðauki B	já
Viðauki C	já